

Celebracion di “Dia Internacional di Hende Muher”

Studiantenan di IPA, bao di direccion di Wilma Kuiperi a combina un evento informativo di e situacion di hende muher na Aruba

MANERA nos a publica ayera caba, mei-mei di un cantidad di hende muher den nos comunidad, Minister pa Asuntonan Economico, Social y Cultura, sra. Michelle Winklaar a duna inicio di celebracion di Dia Internacional di Hende Muher. El a cuminsa na elabora riba e seminario di “Comision pa Eliminacion di Discriminacion Contra Hende Muher”, cu a tuma lugar na Ginebra.

Mester bisa cu durante e evento dialuna atardi n’e seccion “Arubiana” di Biblioteca Nacional, a pone un toke special como cu ta “Dia Internacional di Hende Muher”.

P’e ocasion aki tabatin actuacion di Wilma Kuiperi (baile), Tica Giel (canto) y Ivan Jansen (Guitara clasico). Studiantenan di IPA bao guia di Wilma Kuiperi a deleita esnan presente cu un

baile den cual nan a demostra e amor grandi y duradero di e hende muher di tur nacion, cu nan ta comparti dor di trabao duro y dedicacion.

Di e forma artistico/cultural aki a combina un evento informativo riba e ultimo desaroyonan pa cu e situacion di nos hendenan muher na Aruba hunto cu un celebracion p’e dia internacional di tur hende muher.

